



	Subject:	Announcement of 10 Participating Schools
	Published Date:	19 March 2015 (Thursday)
	Page:	16 Local News
	Website:	www.stheadline.com

頭條日報 WWW.STHEADLINE.COM 16 • LOCAL NEWS THU 19 | 03 | 2015

慧妍雅集再搞遊學團 助基層瑞士體驗文化

Kelly昨日中午偶遇「最美麗港姐」朱玲玲(右二)，佢好開心咁同小妹講，成功主辦三年遊學團「TES」後，慧妍雅集繼往開來，今年暑期將會組織基層學生到瑞士體驗文化。做咗三屆TES項目主任嘅朱玲玲，正式交棒畀莫可欣(左二)。原來可欣自細嚟瑞士讀書及生活，今次升呢做瑞士遊學團項目主任，相信勝任有餘啦！

好多人感慨基層學生輸在起跑線，慧妍雅集主辦嘅《TES 2015瑞遊樂》，其中TES代表Travel(旅遊)、Experience(體驗)及Share(分享)，為學生提供海外遊學及體驗文化。今屆有十支中學校隊入圍，每隊有十萬元預算，學生事前要寫詳盡計劃書，為瑞士十三天遊學之旅計劃學習主題及行程。

熟悉瑞士嘅莫可欣，向學生提供唔少意見，佢話瑞士多元文化，加上環保工作做得好好，希望港生從中多多學習。而入圍隊伍去到瑞士更要每日「交功課」，要喺facebook分享其見聞及旅遊體驗等。


